

BOSNA I HERCEGOVINA
FEDERACIJA BOSNE I HERCEGOVINE
UNSKO - SANSKI KANTON
OPĆINSKI SUD U CAZINU
Broj: 020-0-Su-26-00-130
Cazin, 25.02.2026. godine

Na osnovu člana 31. stav 1. Zakona o sudovima Federacije BiH ("Službene novine F BiH" broj 38/05, 22/07, 63/10, 72/10, 7/13 i 52/14), kao i članova 69. stav 2. Tačka a) i 70. Zakona o javnim nabavkama BiH (Službeni glasnik BiH broj: 39/14, 59/22 i 50/24), u postupku javne nabavke usluge – NABAVKA ELEKTRIČNE ENERGIJE za potrebe Općinskog suda u Cazinu, predsjednik suda d o n o s i

ODLUKU
o poništenju postupka javne nabavke

Član 1.

Poništava se postupak javne nabavke usluge – NABAVKA ELEKTRIČNE ENERGIJE za potrebe Općinskog suda u Cazinu, u skladu sa članom 69. stav 2. Tačka a) Zakona o javnim nabavkama BiH, a iz razloga što nije dostavljena nijedna ponuda u određenom krajnjem roku.

Član 2.

Ova odluka objavit će se na web stranici Općinskog suda u Cazinu www.opsud-cazin.pravosudje.ba, u skladu sa članom 70. stav 6. Zakona o javnim nabavkama BiH.

Član 3.

Ova odluka stupa na snagu danom donošenja.

O b r a z l o ž e n j e

Općinski sud u Cazinu (u daljem tekstu: Ugovorni organ) je dana 06.02.2026. godine odlukom broj: 020-0-SU-26-00-130 pokrenuo konkurentski zahtjev za dostavu ponuda za nabavku usluge – NABAVKA ELEKTRIČNE ENERGIJE za potrebe Općinskog suda u Cazinu i isti je dana 12.02.2026. godine objavljen na portalu javnih nabavki Agencije za javne nabavke BiH.

Ugovorni organ je u skladu sa članom 35. Zakona o javnim nabavkama BiH objavio obavještenje na portalu javnih nabavki dana 12.02.2026. godine, broj: 734-7-2-1-3-2/26.

U skladu sa obavještenjem o nabavci broj: 734-7-2-1-3-2/26 svi zainteresirani ponuđači su bili u mogućnosti dostaviti svoje ponude do dana 23.02.2026. godine u 13.00 sati, a otvaranje istih je predviđeno za 13.15 sati istog dana.

U ostavljenom roku za dostavljanje ponuda Ugovorni organ do dana 23.02.2026. godine u 13.00 sati nije zaprimio niti jednu ponudu.

Shodno navedenom ugovorni organ je u skladu sa članom 69. stav 2. Tačka a) Zakona o javnim nabavkama BiH donio odluku o poništenju postupka javne nabavke usluge – NABAVKA ELEKTRIČNE ENERGIJE za potrebe Općinskog suda u Cazinu, jer je navedenom odredbom propisano da je ugovorni organ/tijelo obavezan da poništi postupak javne nabavke ukoliko nije dostavljena nijedna ponuda u određenom krajnjem roku, a što i jeste u slučaju ovog ugovornog organa.

Uzimajući u obzir naprijed navedeno, odlučeno je kao u dispozitivu ove Odluke.

Pouka o pravnom lijeku:

Svaki ponuđač koji ima legitiman interes za konkretan ugovor o javnoj nabavci i koji smatra da je naručilac (ugovorni organ) u toku postupka prekršio jednu ili više odredbi Zakona o javnoj nabavci i /ili podzakonskih akata ima pravo uložiti žalbu u roku od 10 dana u skladu sa članom 99. i 101. Zakona o javnim nabavkama BiH ("Sl. glasnik BiH", broj: 39/14, 59/22 i 50/24).

Žalba se predaje ugovornom organu koji je donio ovo rješenje u pisanoj formi direktno, elektronskim putem, ako je elektronsko sredstvo definisano kao način komunikacije u tenderskoj dokumentaciji ili preporučenom poštanskom pošiljkom, sa naknadom na žalbu u skladu sa odredbama člana 108. Zakona o Javnim nabavkama BiH.

Obrađivač: Sekretar suda
Almir Handanagić



PREDSJEDNIK SUDA
Erol Husić



Dostaviti:

1. Portal JN;
2. Odsjeku za opće, računovodstveno - materijalne i ostale pomoćne poslove;
3. IKT referentu, radi objave na web stranici;
4. u spis.